



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726-400  
fax. +387 33 726-423  
e – mail: [info@voda.ba](mailto:info@voda.ba)

**Broj: UP-I/25-1-40-412-2/21**  
**Datum: 09.09.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica „MARKOVIĆ“ d.o.o Srebrenik za donošenje rješenja o prethodnoj vodnoj saglasnosti za ispuštanje tehnoloških otpadnih voda sa lokacije privremenog objekta samouslužne autopraonice koja se planira graditi u ulici Teritorijalne odbrane br. 92, Grad Srebrenik, na osnovu člana 110. stav (3) Zakona o vodama («Službene novine Federacije BiH», broj 70/06) i člana 218. Zakona o upravnom postupku («Službene novine Federacije BiH», broj 2/98, 48/99) **donosi**

### **ZAKLJUČAK**

1. Odbija se zahtjev pravnog lica „MARKOVIĆ“ d.o.o Srebrenik za donošenje rješenja o prethodnoj vodnoj saglasnosti za ispuštanje tehnoloških otpadnih vode sa lokacije privremenog objekta samouslužne autopraonice koja se planira graditi na zemljištu označenom kao k.č broj: 284/3 K.O. Srebrenik Grad, Grad Srebrenik, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ukoliko operator javnog vodovodnog i kanalizacionog sistema JP „Vodovod i Kanalizacija“ d.d., Srebrenik otkaže pružanje usluga ili ukoliko se na drugi način izmjene uslovi ispuštanja tehnoloških otpadnih voda iz predmetnog objekta, pravno lice je u obavezi podnijeti zahtjev za izdavanje vodnog akta.
3. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.

### **Obrazloženje**

Pravno lice, „MARKOVIĆ“ d.o.o Srebrenik, obratio se zahtjevom ovoj Agenciji za donošenje Rješenja prethodnoj vodnoj saglasnosti za ispuštanje tehnoloških otpadnih voda sa lokacije samouslužne autopraonice koja se planira graditi na zemljištu označenom kao k.č broj: 284/3 K.O. Srebrenik Grad, Grad Srebrenik.

U provedenom postupku dostavljena je i pregledana sljedeća dokumentacija:

- Kopija Rješenja o izmjenama podataka broj: 032-0-Reg-17-002226 od 29.11.2017 godine izdata od Općinskog suda u Tuzli;
- Ovjerena kopija Uvjerenja o poreznoj registraciji donesenog od strane Porezne uprave Kantonalni ured Tuzla, 22.08.2007. godine;
- Kopija Katastarskog plana broj: 03-26-641/2021-3 od 17.03.2021. godine izdata od strane Službe za geodetske i imovinsko-pravne poslove, Grad Srebrenik;
- Kopija zemljišnoknjižnog izvotka broj: 030-0-NAR-21-002093 od 19.07.2021. izdata od Općinskog suda u Srebreniku;
- Rješenje o davanju načelne saglasnosti broj: 05-1118/21 od 24.08.2021 za priključenje na kanizacioni sistem kojim upravlja operator JP „Vodovod i Kanalizacija“ d.d. Srebrenik;
- Studija za izdavanje prethodne vodne saglasnosti za objekat samouslužne autopraonice koja se planira graditi na zemljištu označenom kao k.č broj: 284/3 K.O. Srebrenik Grad, urađena od strane „PGP HIDROINŽENJERING“ d.o.o Tuzla, august 2021. godine (tri primjerka).

Na osnovu uvida u dostavljenu dokumentaciju utvrđeno je sljedeće:

- Predmetni objekat samouslužne autopraonice, planiran je na zemljištu za privremeno korištenje, do privođenja istog konačnoj namjeni, označenom kao k.č. 284/3 K.O. Srebrenik Grad,.
- Parcela na kojoj se planira graditi predmetni objekat se ne nalazi u zaštitnim zonama izvorišta vode za piće, kao ni u vodnom dobru i poplavnom području vodotoka I kategorije.
- Snabdijevanje vodom će biti obezbjeđeno putem priključka na gradsku vodovodnu mrežu.
- U konkretnom slučaju se radi o ispuštanju tehnoloških otpadnih voda u javni kanalizacioni sistem kojim upravlja JP „Vodovod i kanalizacija“ d.d. Srebrenik, te shodno odredbama člana 110. stav 3. Zakona o vodama („Službene novine FBiH“, broj:70/06) i člana 28. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine FBiH“, broj: 31/15, 55/19 i 41/20) nije potrebno izdavanje prethodne vodne saglasnosti za predmetnu aktivnost. U ovom konkretnom slučaju uslove za ispuštanje otpadnih voda iz planiranog objekta propisat će operator kanalizacionog sistema.
- Ukoliko operator javnog vodovodnog i kanalizacionog sistema JP „Vodovod i Kanalizacija“ d.d. Srebrenik, a u skladu sa članom 28. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine FBiH“, broj: 31/15, 55/19 i 41/20) uskrati pružanje usluga za ispuštanje tehnoloških otpadnih voda ili ukoliko se na drugi način izmjene uslovi ispuštanja tehnoloških otpadnih voda iz predmetnog objekta, pravno lice je u obavezi pribaviti odgovarajuće vodne akte, a sve u skladu sa članom 139. stav (1) tačka 3. Zakona o vodama.

Na osnovu utvrđenih novih činjenica u skladu s članom 110. stav (3) Zakona o vodama i članom 218. Zakona o upravnom postupku (Službene novine Federacije BiH, broj 2/98 i 48/99) riješeno je kao u dispozitivu zaključka.

#### **Uputa o pravnom lijeku:**

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević B.Sc.ing.građ

Prilog:

- Studija za izdavanje prethodne vodne saglasnosti za objekat samouslužne autopraonice koja se planira graditi na zemljištu označenom kao k.č broj: 284/3 K.O. Srebrenik Grad., broj: bb urađenoj od strane „PGP HIDROINŽINJERING“ d.o.o Tuzla, august 2021. godine. (dva primjerka)
- Idejni projekat

2. Po ovlaštenju  
**Rukovodilac sektora za izdavanje vodnih akata**  
  
*Haris Ališehović*  
**Haris Ališehović, dipl.ing.građ.**

Dostaviti:

- „MARKOVIĆ“ d.o.o Srebrenik, ul. Teritorijalne odbrane br. 92, Grad Srebrenik (Prilog)
- ⊖ AVP Sava, ISV-vodna knjiga
- Org.jed. 40 – arhiva
- Oglasna ploča AVP Sava